


nn
300+

Ex Libris
Jack Gorlin



101. 1. 8bre Declaration du Roy sur

LES EDICTS DE PACIFICATION, des duels, combats & rencontres, defenses à tous ses subjects d'entrer en ligues & associations, tant dedans que dehors du Royaume, & à ses officiers & pensionnaires, de prendre gages & pensions d'autres que de luy : prohibitions des juremens & blasphemes.

*Publiée en la Cour de Parlement, ledit Seigneur
Roy y seant en son liect de Justice, le 2.
d'Octobre 1614.*



A SAVMVR,

Par THOMAS PORTAV, suivant la coppie imprimée à Paris, par F. Morel, & P. Mettayer,
Imprimeurs ordinaires du Roy 1614.
Avec Privilege de sa Majesté.

LES EDICTS DE PACIFICATION

Par lesquels le Roy a ordonné
que les habitants des villes
et bourgs de son royaume
se tiennent paisiblement
sous l'obéissance de sa
Majesté, sans se troubler
par aucune rébellion ou
sédition, ni par aucune
division d'habitants les uns
contre les autres.

Enregistré au Parlement
le premier jour de Mars
l'an de la réformation
mille six cent cinquante
trois.



Enregistré au Parlement
le premier jour de Mars
l'an de la réformation
mille six cent cinquante
trois.



DECLARATION

Du Roy sur les Edicts de Pacification, des Duels, combats & rencontres : defenses à tous ses subjects d'entrer en ligue & associations tant dedans que dehors le Royaume, & à ses officiers & pensionnaires, de prendre gages & pensions d'autres que de luy : prohibition des juremens & blasphemes.

LOVY S par la grace de Dieu Roy de France, & de Navarre, A tous ceux qui ces presentes lettres verront, salut. Ayant pleu à Dieu par sa providence & bonté, benir nostre

personnages de nostre Conseil,
 Dict, declaré & ordonné; disons,
 declarons, ordonnons, voulons &
 nous plaist, conformément à ce
 que nous avons desia cy devant
 ordonné, quel'Edict du feu Roy,
 nostre trel honoré Seigneur &
 Pere, donné à Nantes au mois d'A-
 vril, mil cinq cens quatre-vingts
 dixhuiet, en faveur de ceux de la
 Religion pretendue reformée, en
 tous les poincts & articles; ensem-
 ble les autres articles à eux accor-
 dez, & les reglemens faicts, arrests
 donnez sur l'interpretation ou exe-
 cution dudit Edict, & en conse-
 quence d'iceluy, soient entrete-
 nus, & inviolablement gardez
 & observez, ainsi qu'il a esté or-
 donné & executé par nostredit feu
 Seigneur & pere; & les contreve-
 nans punis avec seuerité, comme

7
perturbateurs du repos public.

Et pour asseurer d'avantage la
paix & la tranquillité publique sous
nostre auctorité & obeyssance,
defendons à tous nosdits subjets
toutes intelligences particulieres,
ligues ou associations, tant dedans
que dehors nostre Royaume : ny
d'envoyer sans nostre permission
vers les Princes estrangers, soyent
amis ou ennemis : pour quelque
occasion qui puisse estre : Enjoi-
gnons à tous nos officiers d'y veil-
ler songneusement, & tenir la
main, à peine d'en estre respon-
sables : & de faire punir leur negligen-
ce, par la mesme rigueur que la de-
sobeysance de ceux qui y contre-
viendront.

Defendons en outre à tous nos-
dits subjets de quelque estat, qua-
lité & conditiō qu'ils soiēt, qui ont

Estats, gages, solde ou pension de nous; de prendre, accepter ne recevoir aucuns estats, gages, solde ou pension, de quelque Prince ou seigneur que ce soit: Et de ne suivre, assister ni accompagner autres que nous, sur peine d'estre privez desdits gages, estats ou pension.

Et d'autât que l'execution de l'Edict faict par le feu Roy nostre Seigneur & pere pour les Duels, combats & récôtres, & depuis par nous, la desobeissance qui est renduë par plusieurs de nos subiects, au mespris de nostre auctorité, est cause de grands desordres & confusions qui offensent Dieu grandement, lequel se pourroit irriter, & deployer les fleaux de son ire sur nous & sur nostre Estat, s'il n'y estoit par nous pourveu: Nous voulons & ordonnons que tous lesdits Edicts, ordonnances

ordonnances & declarations faites
 par ledit feu Roy & par nous, pour
 raison desdits Duels, Combats &
 rencontres, soient à l'advenir in-
 violablement entretenus, gardez
 & observez, selon leur forme & te-
 neur : sans que ceux qui y contre-
 uiendront cy apres puissent trou-
 ver ni esperer en nous aucune gra-
 ce, sous quelque excuse, pretexte,
 occasion ou consideration que ce
 soit. Enjoignons à tous nos offi-
 ciers de proceder contre les con-
 trevenans selon la rigueur d'iceux,
 sans exception de personnes quel-
 conques: & à nos Procureurs gene-
 raux & leurs substituts, d'en faire
 toutes poursuites requises & neces-
 saires.

Considerant aussi que la Maje-
 sté divine est grandement offensée
 par les juremens & blasphemies exe-

crables qui se commettent journellement par plusieurs, contre les Edits & ordonnances faites par les Roys nos predecesseurs : Nous avons ordonné & ordonnons, que lesdits Edicts & ordonnances seront de nouveau publiées : à ce que nul n'en pretende cause d'ignorance. Et enioignons à tous nos Iuges & officiers, chacun en leur ressort, sur peine de privation de leurs offices de proceder contre les contreuenans, selon la rigueur contenuë en iceux, sans qu'ils s'en puissent dispenser pour quelque cause qui puisse estre, sur peine de nous en prendre à eux en leur propre & privé nom. Mandons en outre à nosdits Procureurs generaux, & à leurs substituts de faire les diligences qui seront requises pour l'exécution des presentes.

Si donnons en mandement à nos
amez & feaux Conseillers les gens
tenans nos Cours de Parlement
Baillifs, Senechaux & autres nos
Iusticiers & Officiers qu'il appar-
tiendra, que celsdites presentes, ils
facent lire, publier & enregistrer,
& le contenu en icelles executer,
garder & observer inviolablemēt.

Car telest nostre plaisir. En tes-
moin dequoi nous avons fait met-
tre & apposer nostre seel.

Donné à Paris le premier jour
d'Octobre, l'an de grace, mil six
cens quatorze.

Et de nostre Regne le cinquiesme.

Signé,

LOVYS.

Par le R o y estant en son Conseil.

DE LOMENIE.

Et seellées du grand seel sur double queue
en cire jaune.

Leuës publiées, & registrées, oy &
ce requerant le Procureur general du
Roy. A Paris en Parlement, le
Roy y seant, le 2. d'Octobre, mil six
cens quatorze.

Signé,

DV TILLET.

94

